



05497

高季迪先生大全集

卷之三

天津圖書館藏

天津圖書館藏

五言古詩

擬古 十二首

慕慕牆下李，芄芄陂中麥。浩浩望遠塗，悠悠思行客。
客行歲已盈，紆鬱傷我情。始知失羣鴻，不若求友鶯。
登山知天高，臨流識川阻。不遣懷同心，那知別離苦。
別離不可久，寂莫不可守。自傷紅顏子，相思成皓首。
朝日如不晚，行人會當返。

其二

大全集卷三

嵯峨雲間樓，俯視層城陰。綺戶相洞開，清飈拂羅襟。
上有離居婦，哀歌撫弦琴。不知中怨誰，掩抑一何深。
初爲郢中唱，再奏邯鄲吟。不惜努力歌，寫作絕代音。
風吹落君耳，萬里知愁心。曲盡思寂寥，青天日西沈。
安得化彩鳳，飛去巫山岑。

其三

傷逝

出郭見丘墓，纍纍滿山阿。四海能幾人，逝者何其多。
封樹日蕭條，狐狸走蓬科。英靈無人弔，牧兒暮來歌。
浮華一世中，倏若飛鳥過。生時不肯飲，死沒將如何。

其四 承工字初人及時小集

離離白雲翔悠悠清川逝天地如傳郵閱人以爲世
良時難再得游樂咸陽中咸陽名都會衣冠集王公
南山對魏闕嘉樹何龍蔥九衢十二城逶迤迴相通
衛霍開上第車馬爭春風娛意勿自惜當至百年終
其五
東井不可飲威弧孰能張虛名竟何用千古同悲傷
與君初結歡金石比中腸恩情忽乖分相望阻川梁
閨門尚難越况彼道路長不如雲中鴈迴飛自隨陽
其六

大全集卷三

二

促織何嘖嘖空庭寒露白蘭蕙辭故芳高梧銷華澤
閨中覽物變感歎當此夕引領望遠人天河西南隔
舟行詎離水針運恆依石君雖有棄捐妾心誓無易

其七

置酒北堂上歡言宴嘉賓嘉賓復爲誰相過盡朱輪
中庖炙肥牛登俎悉異珍左右燕趙姝羅綺騎上春
清謳雜哀吹響激迴高旻主勸客復酬中抱各以伸
盛年易傾謝爲樂願及辰請看舊同遊半作泉下人
無爲苦刺促長憂賤與貧

其八

美人一相見遺我白玉環上有雙雕龍游戲在雲間

持此感深意。佩結無時閒。玉以比貞潔。環以明不絕。
雲龍永相從。誰能使離別。

其九

秋○至○衆○芳○歇○芙○蓉○獨○鮮○妍○朱○華○照○綠○水○日○暮○涼○風○前
采○折○難○遠○贈○相○看○自○嬋○娟○孤○艷○豈○足○賞○後○彫○良○可○憐

其十

明○星○爛○東○方○北○斗○亦○已○旋○獨○宿○悲○夜○徂○空○牀○藉○蘭○荃
雞○鳴○整○環○珮○思○奉○君○子○筵○君○子○行○未○歸○新○妝○爲○誰○妍
意○疎○覺○去○逢○咫○尺○越○與○燕○含○情○乏○彤○管○何○以○寫○中○悵
君○如○綆○上○瓶○妾○若○井○底○泉○不○垂○汲○引○惠○澄○瑩○徒○終○年

其十一

人○生○一○漚○水○所○欲○乃○無○涯○志○意○苦○未○畢○容○華○忽○然○衰
天○地○有○終○壞○誰○能○待○其○期○聊○爲○一○日○歡○勿○作○千○載○悲
神○仙○俱○好○飲○得○醉○復○何○疑

其十二

黃○鳥○鳴○春○陽○流○芳○滿○西○園○攀○條○日○已○暮○悵○惋○不○能○言
禦○寒○必○重○裘○涉○道○須○雙○轅○離○居○非○君○子○何○以○解○憂○煩
煩○憂○日○已○積○佳○期○日○已○失○思○君○如○蓬○萊○可○望○不○可○即
區○區○儻○見○察○慙○悴○甘○自○罪

寫感二十首

天旋海水運日月馳奔輝不知此往來伊誰幹其機
諒由任元氣推遷不能違人生處宇內行止無定依
唯當乘大化逍遙隨所歸

其二

雞鳴一警旦陽烏已東昇羣動紛自起各欲赴其生
飢蠖土中出棲禽林外驚蒼蠅一何微翾囊亦飛鳴
人生信多故安得免營營

其三

盛衰迭乘運天道果誰親自古爭中原白骨遍荆榛
乾坤動殺機流禍及蒸民生聚亦已艱一朝忽胥淪
陽和旣代序嚴霜變肅晨大運有自然彼蒼非不仁
咄咄堪歎嗟滄溟亦沙塵

其四

美女生貧家光艷人未識遠聘入楚宮揚蛾欲傾國
朝遊瓊臺上夕侍金輿側奉歡擬千齡秋風失顏色
銜恩歸永巷貞意徒寂默高高天上星墮作水底石
人事盡如斯推移歎何極

其五

不亦我貴守以不守考作西等看

叢蘭生路隅馥馥有奇香路隅多行人采掇成摧傷
深林雖幽獨秋至靄餘芳托根在得所君子蹈其常

其六

蚩蚩此羣氓幾人出其儔誰云抱智慮乃足資勞憂
晨秣思遠騁宵披務窮搜懷古復慨今百念紛相投
膠擾得喪間若與方寸仇安知廣成子冥卧昆侖丘
無營亦無想八表獨神遊

其七

大道本夷直末路生險巖杯酒出肺肝須臾起相疑
田蚡排寶嬰趙高誣李斯傾擠不少假權寵實苗基
鑿井當得泉種桑會成絲禍福皆自致天道信難欺
出亡無所舍千載使人悲

大全集卷三

五

其八

志士徇功業貪夫詫輕肥亦有逃羣子矯矯與時違
彼此更共笑不知誰是非達人體自然出處兩忘機
浮雲遊天表舒卷有餘輝

其九

攬轡登太行遙望洛北州嶠嶺正西峙黃河復東流
百城無遺堵雲煙莽相繆朝冠蓋塲暮為狐兔丘
昔人爭此地干戈迭相讐當其得意時連陌擁鳴騶
百年奮忽盡魂魄空來游曷見采芝叟冥栖無所求

其十

桃李初不語。鳳凰豈長喧。末俗矜辯議。窮口禍之源。
所以國武子。殺身由盡言。妙哉無爲謂。默默道斯存。

其十一

人言異草木。不若松柏壽。欲於百年間。辛苦圖不朽。
形質天所畀。名姓吾自取。形名兩未立。誰我竟何有。
不能知我先。奚暇恤我後。遺臭與流芳。冥然付杯酒。

其十二

短褐乘輶輅。狐裘駕文車。西門與北宮。窮達一何殊。
彼達矜已智。此窮媿身愚。東郭發至言。兩惑各以祛。
厚薄有定命。巧拙果誰與。歸卧掩蓬室。道存何所吁。

大全集卷三

六

其十三

駑馬放田野。志本在豐草。偶遇執策人。驅上千里道。
顧非乘黃姿。豈足辱君卓。負重力不任。哀鳴望宮昊。
奈何相逢者。猶羨羈絡好。

其十四

頽陽在川上。玄蟬夕鳴悲。嫋嫋風起波。翻翻葉辭枝。
曠望天宇內。沉寥此何時。朱火已盈謝。清商屆其期。
覽鏡忽自嗟。綠鬢生素絲。萬物有榮悴。造化豈吾私。

其十五

躑躅遠遊子。驅車上高山。高山多隴坂。悲哉路何艱。

其顛摩蒼穹欲上不可攀日暮牛力疲前征未能開
雙輪忽中摧一墮深谷間引領望黃鵠失路何當還

其十六

蜀琴有奇紋本是枯桐枝一彈舞鸞鶴再彈下靈祇
曾持薦黃帝雲中奏咸池棄置久不調流塵被朱絃
終焉含妙響未始有成虧

其十七

達人貴全生外物等秋草顧此七尺軀卽爲萬金寶
昧者營所嗜棄捐不待老豈無室中資他人是來保
何如餽金液長令鬢顏好

大全集卷三

七

其十八

千秋取丞相一語悟君衷長孺多讜言白頭擯居東
人命有通塞主聽無違從失如魚去波得若雲遇龍
會合感冥相佳期諒難逢下生未聞道無事涕沾臆

其十九

之陽紅廡考

南山多浮雲北山有高樹因風暫來依風回復飛去
兄弟滿四海幾人此相遇握手交百歡分襟滋千慮
蹤跡不可常無爲嗟去住

其二十

鴻鵠橫四海鷓鴣戀蓬榛長松凌風煙小草亦自春

各稟造化育道遙適其真無將赫赫者下比樓樓人

詠隱逸 十六首

向長

子平謝累辟雅志在隱居家貧或有饋取足反其餘
讀易深自悟謂賤貴不如救言嫁娶畢家事無關余
同好有禽生肆意相與娛茫茫五嶽去孰得回其車

周黨

世祖初厭武開觀在東都使者遍巖藪旌帛召賢儒
伯况亦暫起緇頭詣尚書引見伏自陳始願不敢渝
周興有恥食堯禪或羞汙士固有本志聖主焉能拘
范生乃見毀咄爾何其愚

王霸

儒仲有清節始一應徵命造廷抗高辭不肯臣萬乘
歸來自耕野蓬藿掩門逕翩翩故人子相過容服盛
一念兒曹羞客去卧如病賴有賢婦言不失初守正
嘉遯遂終身清輝兩相暎

梁鴻

伯鸞古賢人乃在杵臼間夫婦共守志逃名入深山
淒涼五噫歌東出過帝關齊魯復荆吳長往遂不還
為傭豈無勞顧已少外患終葬烈士旁高風邈誰攀

法真

高卿關西儒好學賤榮祿閉門不交世弟子相誦讀
太守者何人欲以吏見錄誓在南山南胡肯勞案牘
連徵終不就皦皦離垢俗郭子有頌詞玄德久愈暴

韓休

伯休始賣藥志將晦當時如何不二名乃爲女子知
玄纁強見聘使至焉得辭凌晨自先發不駕安車馳
亭長遠迎候未識徵君誰修道奪其牛解與不復疑
中途遂長遁蹤跡竟莫追乃知超雲驥座轡何由羈

陳畱老父

大全集卷三

九

漢衰黨獄起朝柄在刑餘皇皇外黃令去官返鄉閭
班草逢故人涕泣語路隅邦危德無援忠良恐遭誅
有叟過其旁植杖爲踟躕瞻之歎且言何悲二大夫
鸞鳳不隱羽安能免置學欲問不肯顧飄然邁長途
賢哉此老翁嗟嗟乃誰歟

龐公

南陽有龍鳳乘時各飛翻鴻鵠獨深棲不肯居籠樊
皤皤隴上耕遠辱刺史斬豈不念子孫遺安乃名言
采藥不復返亭亭空鹿門

王績

無功始亦仕季代，遘亂屯投効。乃徑歸不作嬰網鱗。
結廬河渚北，喜與瘖士鄰。相逢雖多言，不若無語真。
種黍養鳧鴈，逍遙度秋春。乘牛過酒家，畱連或經旬。
嗜飲豈沈湎，醉鄉可逃身。北門與樂署，暫屈誠此因。
賢哉焦史妻，相饋不厭勤。酣歌自遺世，嵇阮其能倫。

朱桃椎

祭酒絕俗者，曳索復被裘。自匿林莽間，不入城都遊。
織屨易米茗於人，又何求。惔惔高長史，延見禮甚脩。
瞪視雖不言，默教意已周。欲使如曹參，無事治一州。
忽去返山谷，避寢安可畱。

大全集卷三

十

武攸緒

孽后移寶鼎，同姓咸析珪。獨去謝親寵，龍門事冥棲。
澹泊如素嘗，衣褐復茹藜。賜器不肯御，牀頭委塵泥。
族人豈不華，回首已粉齏。苟榮禍必集，達識乃弗迷。
蟬蛻衆濁中，名與嵩高齊。

盧鴻

顥然守泰一，高卧在幽壤。開元始求治，賢哲勞夢想。
詔書赴巖扃，宸意勤挹仰。入京遽還山，孰得縻以鞅。
天子遂其高，營室致安養。爵祿不可加，貪士應泚頰。

秦系

公緒避時亂不駕戎府車南安大松間卜築聊可居
穴石爲巨硯坐行老氏書刺史致羊酒歲時造其廬
不拒亦不謝偃息每自如懷道誠可稱工詩乃其餘

陸龜蒙

魯望好任散心與太古期俗夫晨叩門不肯一見之
下田與江通終歲恆苦飢秣刺不告勞常師禹胼胝
酒酣發長歌猶有憤亂悲寧不念枯槁行哉豈其時

漢濱老父

漢濱有老翁初不語鄉里天子雲夢遊盼望臨河水
居人悉縱觀翁獨耕不已郎官下道問荅言野人耳
借問世立君豈將使爲理奈何從遊俠勞人奉諸已
尚忍令人觀吾實爲子恥忽如驚鴻騫孰能躡其軌
名姓且莫知超哉隱君子

張志和

超超玄真子游浪煙水中敝舟以爲家來往無定蹤
自言處太虛四海長相從奴婢兩夫婦耕織粗可供
天子不得見丹青繪其容漁歌復識聞山水邈其重

吳越紀遊

十五首

酒流傳作首三卷所記遊者

始發南門晚行道中

歲暮寒亦行征人有常期辭我家鄉樂適彼道路危

酒闌別賓親。驅車出郊岐。我馬力未瘳。已越山與陲。
回頭望高城。落日雲樹滋。遭亂旣少。謀生復多。自
途逢往來人。孰不爲此驅。遠遊亦吾志。去矣何勞悲。

渡浙江宿西興民家

挂帆無天風。到岸日已夕。捨舟理輕裝。欲問古鎮驛。
風颯灘聲迴。莽莽山氣積。僕夫夜畏虎。告我勿遠適。
望林投人家。炊黍旋敲石。寒眠多虛警。我體若畏席。
誰云別家遙。數日已在客。今宵始驚歎。東西大江隔。

早過蕭山歷白鶴柯亭諸郵

客起何太早。郵荒絕雞鳴。况時江雨晦。不得見啓明。

大全集卷三

十三

凌兢度高關。山空縣無城。隔林聞人呼。已有先我行。
側身避徑滑。聚足防厓傾。衣寒復多風。聒聒遠水聲。
千峰霧中過。不識狀與名。巖間見前郵。始覺歷數程。
越禽啼楓篁。冷日傍午晴。煙生沙墟寂。葉落澗寺清。
登臨亦可悅。但恨時非平。

次錢清謁劉龍廟

亭亭樹間祠。落日小江口。停舟拜孤像。開幔蒼鼠走。
憶公治邦時。德感山谷叟。臨行謝其饋。清風在茲久。
我方東征急。不得奠杯酒。惆悵出煙扉。殘郵夜聞狗。

登蓬萊閣望雲門秦望諸山

旅思曠然釋。置身蒼林杪。羣山爲誰來。歷歷散清峽。
奇姿脫霧雨。奮首爭欲矯。氣通海煙長。色帶州郭小。
曲疑藏啼猿。橫恐截歸鳥。流暉互蕩激。下有湖壑繞。
佳處未遍經。一覽心頗了。秦皇遺跡泯。晉士流風杳。
願探金匱篇。振袂翔塵表。

聞長槍兵至出越城夜投龕山

列藩遏戎亂。駐鉞實此州。如何殺大將。王師自相讎。
我來亂始定。城郭氣尚愁。又聞有鄰兵。倉卒豈敢留。
促還出西門。天寒絕行輶。古戍暗雨雪。旌旗暮悠悠。
野屋閉不守。澤田棄誰收。居人且奔逃。游子安得休。

大全集卷三

十三

透迤蒼山去。泱泱玄雲浮。人虎爭夜行。風榛嘯巖幽。
我徒戒相親。一失未易求。飢拾谷口粟。寒燒澗中樵。
神迷路多迂。再宿達海陬。雖嘗登頓勞。幸免迫辱憂。
聖尼畏於匡。嗟我敢有尤。但慙去越早。不遂名山遊。

夜抵江上候船至曉始行

夜辭西陵館。霜谷猿叫歇。津卒未具舟。天險不可越。
漁商雜候渡。寒立沙上月。蒼煙隱遙汀。益覺潮漲闊。
開撓散驚鳧。海色曙初發。曠曠前山來。稍稍後嶺沒。
中流聞鼓角。隔岸見城闕。客路得奇觀。臨風悶俱豁。

登鳳凰山尋故宮遺跡

茲山勢將飛宮殿壓其上江潮正東來朝夕似奔鬻
當時結構意欲敵汴都壯我來百年後紫氣愁不王
烏啼壁門空落葉滿陰障風悲度遺樂樹古羅嚴仗
行人悼降王故老怨奸相蒼天何悠悠未得問興喪
世運今復衰淒涼一回望

宿湯氏江樓夜起觀潮

舟師夜驚呼隔浦亂燈集潮聲若萬騎怒奪海門入
初來聽猶遠忽過顧無及震搖高山動噴灑明月溼
霜風助翻江蛟龍苦難螫應知陰陽氣來往此呼吸
登樓覺神壯憑險方迴立何處望靈旗煙中去波急

大合集卷三

十四

過奉口戰場

路迴荒山開如出古寨門驚沙四邊起寒日慘欲昏
上有飢鶯聲下有枯蓬根白骨橫馬前貴賤寧復論
不知將軍誰此地昔戰奔我欲問路人前行盡空軒
登高望廢墨鬼結愁雲屯當時十萬師覆沒能幾存
應有獨老翁來此哭子孫年來未休兵強弱事并吞
功名竟誰成殺人遍乾坤媿無拯亂術佇立空傷魂

泊德清縣前望金鼈玉塵二峰

歸遠行不緩頗失眺山水獨憐茲峰秀欲去舟且橫
層巒迴長谿日落蒼霧起寒城動遙爍晚渡罷孤市

豈唯地景幽。况乃民俗美。牛羊散樹下。曖曖舊墟里。
田腴收獲富。縣靜爭訟山。畏途遇樂境。我意方一喜。
嘯歌逐漁翁。暫宿浦煙裏。篠疎風脩脩。月偃波瀾瀾。
旅顏在塵中。逢人固多取。安得託此居。長年息行李。
舟次敢山阻風累日登近岸荒岡僧舍

高岸鳴枯桑。湖陰北風厲。寒濤洶我前。幾日不得濟。
孤舟恐漂蕩。石根暮牢繫。憂來厭開卧。近寺聊獨詣。
雀飢殘林空。人倦危磴細。年荒無居僧。樹死石門閉。
神傷却欲返。微霰灑征袂。窮冬已崢嶸。故國尚迢遞。
仰看浮雲馳。東路阻歸計。長歎復何言。吾生信多滯。

過破石

大合集卷三

十五

破石頗奇壯。長河出連山。絕巒兩岸開。行舟過其間。
高處誰解登。陰藤曩難攀。旁垂雨痕古。仰露天光慳。
不知真宰意。隨地設險難。一夫據蜀閣。二世憑秦關。
賴此非要區。爭奪得少閒。徘徊竹望久。日暮飛雲還。

謁雙廟

維昔天寶末。君王寵奸虜。雄邊委強兵。遺患同養虎。
叛聞遽西幸。骨肉棄榛莽。河北二十州。義士誰禦侮。
兩公起誓衆。慟哭告玄祖。橫身過其衝。江淮保安土。
孤城無全堞。百戰霜月苦。力窮援不來。齧齒罵益怒。

殘兵日飢疲。秋風仆旗鼓。男兒不生降。一死冠今古。
故鄉有遺廟。俗祭巫屢舞。丹青網塵中。爽氣猶可覩。
嗟今屬喪亂。戎馬正旁午。臨危肯捐軀。如公未多數。
獨立爲悲傷。斜陽下寒楚。

登海昌城樓望海

百川浩皆東。元氣流不息。混茫自太古。於此見容德。
積陰漲玄濤。萬里失空色。鴻鵠去不窮。魚龍變莫測。
朝登茲樓望。動盪豁胸臆。始知滄溟大。外絡九州域。
日出水底宮。煙生島中國。寬疑浸天爛。怒欲吹地足。
常時烈風興。海若不受職。長堤此宵潰。頓勞負薪塞。
况今艱危際。民若在墊溺。有地不可居。頑洞風塵黑。
安得擊水遊。圖南附鵬翼。

春日懷十友詩

余司馬堯臣

列戟衛嚴關。應無休沐暇。羣英罷追遊。餘香掩空榭。
飛花北郭晚。華月南園夜。清景不能同。蹉跎恐年謝。

張枝理羽

端居養恬素。獨詠聖人篇。夕景臨池酌。春寒掩閣眠。
芳藥初翻雨。新篠稍披煙。日虧幽訪慙。余塵務牽。

楊署令基

詞苑擅高步，早歲許追隨。屢枉瑤華句，長依瓊樹姿。
齋居積冲抱，園賞過芳時。暫闕今朝會，勞人耿耿思。
王隱君行

共此一里居，誰令阻良覲。惆悵步芳園，山櫻還獨摘。
風含駐花意，雨散流池跡。尊酒不來同，茲晨端可惜。
呂道士敏

同謂在塵境，獨能依道門。園齋坐永日，庭綠靄初繁。
觀妙夙有契，悟靜自無煩。晨策思頻往，聆君超世言。
宋軍咨克

看花西澗寺，憶子昔同行。蘭入華觴氣，波汎綠琴聲。
茲歡隨節逝，離恨坐相嬰。安得重聯騎，射雉出東城。

徐記室賁

晨興理櫛，罷禽聲悅清。地雨餘嘉樹，新色暎春塘。綠
闌景感幽，悚步陰思往。躅攜手此道，遙須君慰心。曲

陳孝廉則

徂春易爲感，復此棲孤寂。鶯啼遠林雨，悵望鄉園隔。
客舍換衣晨，僧齋聽鐘夕。知君思正紛，雜莢共如積。

僧道衍

楞伽曾往問，緣澗冒嵐深。殘雪寒山暮，幽扉閉竹林。
欲寄棲禪跡，尚違捐俗心。別後空遙念，迢迢雙樹陰。

王徵士彞

遠客歎畱滯對雨卧閒房江上歸舟阻蘼蕪春自芳
微疴偶見侵勝賞坐成妨斯章亦何取持擬釋離腸

秋懷十首

少時志氣壯不識秋氣悲呼儔射鳴鴈深鷺東山陂
中年漸多懷惻惻當此時登高望原陸不見車馬馳
思我平生歡高墳鬱纍纍世人非羨門誰能久華滋
惟有盈觴酒可以持自怡

其二

明月出遠林流輝鑿牀幃促促草下蟲催我索故衣

大全集卷三

十六

起歎秋夜長欲取鳴琴揮掩抑不成弄中心復乖違
有懷難自言勿謂知音稀

其三

寒荷倚已老采蘭蘭亦摧無由翫芳物悵望江之隈
木落山更空猿聲有餘哀所思去我遠佳期邈悠哉
被垢尚可澣沫濼猶難開我愁亦可念當秋鬱難裁
棄置勿歎息多愁損顏衰

其四

志士憂歲晚羈人感秋早騷鬢綵垂索索枯葉槁
誰言衆芳歇時菊正鮮好日暮餐其英聊開我懷抱

貧賤難久居。欲去恐違道。時命恐未通。徜徉以終老。

其五

秋風夜颼颼。秋色日瀟灑。觀人亦心驚。况乃居愁者。
塊處厭空宇。命駕聊適野。征鴻莫相呼。牛羊亦同下。
我居久離羣。憂襟向誰寫。

其六

涼風動幽幔。高堂夜空虛。明燈無與語。聊讀古人書。
古人亦何人。使我不得如棄卷。輒還卧。終宵自歎歎。

其七

鳴蟲入我戶。落葉覆我井。何無四方志。戀此一室靜。

大全集卷三

九

問途欲晨征。畏踐霜露冷。濁醪幸方熟。夕飲燭可炳。
勿憂去日多。但願來日永。不知苦驅馳。孰若長酩酊。

其八

弱齡弄篇翰。出門結羣賢。俛仰幾何時。已有好新年。
歡晤雖常逢。憂患亦屢牽。世故馳人老。髮鬢能久玄。
沉思復何為。省我既往愆。問道行已餘。中途曷歸旋。

其九

朝遊荒岡陞。暮行空潭側。我非楚大夫。何有憔悴色。
良辰思遠驛。周道廣且直。我馬力不前。回駕仰偃息。
踟躕阻脩竹。日夕睇西北。苟安非予志。所懼時未識。

其十

弭棹望江溪。日落青楓林。驚波駛且廣。蕩漾浮雲陰。
靡靡臯蘭衰。噫噫渚鴻吟。顧此凜節謝。憂來忽傷心。
宋子悲已多。潘生歎彌深。自古有此愁。誰云獨吾人。
出郊抵東屯

其二

故鄉一區田。自我先人遺。賴此容我懶。不耕坐待炊。
霜露被寒野。屬當斂穫時。言來微薄入。稅駕宿東陂。
今年雖未豐。亦足療我飢。萬鍾知難稱。保此復何辭。
州州雞登場。秋稼稍狼藉。疎榆蔭門巷。景暗煙火夕。
田家雖作苦。於世寡憂戚。况當收穫景。斗酒復可適。
所以沮溺徒。躬耕不辭劇。

其三

我本東臯氓。偶來往州城。茲來卧農舍。頓愜田野情。
如魚反故淵。悠然樂其生。臨去謝主媪。重來自藜羹。
我非催租吏。叩門勿相驚。

其四

朝服久已解。儼然山澤臞。欲狎林野人。相歡混賢愚。
朝來此水濱。高歌步踟躕。忽逢一田父。舍耕拜路隅。
疑我是長官。怪我體貌殊。我已忘所有。彼我未忘歎。

不能使爭席。心媿禦寇徒。

其五

坐久體不適。卷書出柴關。臨流偶西望。正見秦餘山。
野淨寒木疎。川長暝禽還。此中忽有得。怡然散襟顏。

以上五詩是安公不是亦打人語
亦非柳陶物未即自就境也

高季迪先生大全集卷之四

五言古詩

感舊訓末軍杏見寄

我酒且緩傾聽君放歌行君歌意何苦慷慨陳平生
少為鬪雞兒鮮裘奮春明走馬出飛彈撇捩誇身輕
氣服諸俠徒不倚父與兄落花錦坊南美人理妝迎
綠雲晚不度樓上鳴瑤箏酒酣逆五木脫帽呼輸贏
及壯家已破狂遊取無成太白犯紫微三辰晦光精
金鏡偶淪照干戈起紛爭中原未失鹿東海方橫鯨

大全集卷四

遂尋鬼谷師從之學言兵石室得陰符龍虎隨權衡
業成事燕將遠戍三關營巖谷雨雪霏哀獸常夜鳴
撫劍起流涕軍中未知名奇勳竟難圖迴臨石頭城
石頭何壯哉山盤大江橫黃旗想王氣玉樹聞歌聲
晚登臨滄觀惻愴懷古情覽時識禍機不因憶尊羹
飄然別戎府震澤還東征歸來訪鄉閭亂餘掩蓬荆
舊宅人已改荒池泉尚清瘦妻倚寒機正歎伊威盈
從茲謝行役開園事躬耕懶求薦辟書傲然揖公卿
衰蕙平蟋蟀柔桑喚鸚鵡閉門節屢變壯猷空潛鷺
昔同徒步人十年擁麾旌鴻毛獨未順蹭蹬違霄程

知音竟爲詐。四海嗟惻惻。齊竽不解奏。楚璞何由呈。
顧余雖腐儒。當年亦擘爨。小將說諸侯。捧檠定從盟。
大欲千萬乘。獻策登蓬瀛。洪瀾阻川途。浮雲蔽天京。
終焉困澤畔。日暮吟離騷。賤貧此時居。復與喪亂并。
何殊九月中。嚴霜折枯莖。頗聞君子心。道窮貴益貞。
已志未獲旆。安用軒裳榮。今晨喜逢君。有壺對前楹。
風日初澹。海櫻桃作繁英。適意不一醉。屑屑徒悲縈。
達人若相遇。大笑絕冠纓。

蕭鍊師鷹窠絕頂丹房

人間不可住。混濁同腐腥。一落三十年。塵夢無由醒。

大正集卷四

二

稍聞方士說。恍惚通仙靈。羨門與偓佺。相期餌芝苓。
自顧真病鶴。秋風墮疎翎。碧海不得渡。煙霧愁冥冥。
師從天姥來。身佩豁落經。不邀五利寵。深棲鍊神形。
東觀鷹窠峰。中天插孤青。其下吐浴日。其高星飛星。
昔有學道侶。白井遺巖扃。愛茲絕俗地。遂爾畱軒幃。
太鼎生紫煙。丹成衛天下。金骨坐可蛻。騎龍駕風霆。
積水浮方壺。東望類點萍。紫臺白玉榜。中有真人庭。
飛遊願從師。往讀新宮銘。

隨月圖

空齋無短檠。愁度新涼夜。青天素娥出。餘輝獨堪惜。

達曙願徘徊莫逐秋河下

映雪圖

簷雪不能掃雷映寒窗白書字細如蠅坐看還歷歷
華燈照歌帳誰似南鄰客

顧榮廟

晉侍中顧彥先有墓并祠在長洲之東久而
廢爲淫祀縣令周君復之爲賦是詩

其秋
軍司吳國秀機神風超朗弱冠遊洛師已蒙南金賞
崎嶇諸王幕沉湎務遵養中權廣陵艱計服匪誠枉
風雲一揮扇義旅臻同響事成恥言勳飄然理歸鞅

大全集卷四

三

晉社始東遷羣賢悉收獎道謁真感會矯翼丹青上
德間一代稱跡泯于齡往時屯乏良佐英謨益堪想
墳祠托荒郊蕭條竝榛莽童童侵雨隧淫巫闖塵幌
大夫過停轅式瞻爲含愴衣冠復故貌筵几陳新享
寡劣忝鄉人因歌表遐仰

停君白玉卮

停君白玉卮聽我前致辭家本吳門市英風慕要離
少年貧無行鄉里不相推喜過毛公舍懶下董子帷
偶從岸頭候跨鞍赴邊陲欲邀深入勲終然計無奇
歸來冠側注始學窺書詩稍通鄒魯生盡謝燕趙兒

焉知事益謬空言竟難施布衣走路旁但爲衆所嗤
廷中忌賈誼門下誣張儀二子豈不辯未能免讒疑
嗚呼今之人孰解客不羈我將棄浮名垂釣東海濱
長笑調魯連高歌酌安期素心儻有合豈要餘子知

讀史

周衰禮樂廢大道成榛菅嬴秦任商君王制欲盡刪
厚賦山澤空亟戰原野殷頽波自茲靡千秋去無還
誰云重華駕邈矣難仰攀於焉誦其書如造揖讓班
安得鳳凰鳥飛下浮雲間

雜詩

大全集卷四

四

朝臨高堂上俯視崇岡下春暉何悠悠清川自東瀉
陽和發卉物時澤均播灑如何及芳辰蕭條但空野
願言釋拘局登高騁吾馬曠途不見人憂心何由寫
興謝固其常吾將尤誰者

池上鴈

野性不受畜逍遙戀江渚冥飛惜未高偶爲弋者取
幸來君園中華沼得遊處雖蒙惠養意飽飼貸庖煮
終焉懷慙驚不復少容與耿耿宵光逝撼撼寒響取
風露秋叢陰孤宿斂殘羽豈無鳧與鷺相顧非舊侶
朔漠饒燕雲夢澤多楚雨遐鄉萬里外哀鳴每延佇

猶懷主恩深未忍輕遠舉儻令寄邊音申報聊自詆
題綠綺軒

幽抱時欲寫帷中有鳴弦一彈落一葉庭樹坐蕭然
寂寂山水夜迢迢河漢天憶聽烏啼起南軒秋未眠
答張山人憲

聽君辛苦詞感我艱難情百年自有爲安用文章名
雞鳴海光動車馬塵滿城相逢無新舊言合意自傾
奉觴置君前長歌發哀聲時平苟未得飲此全其生
澄景閣夜宴

王孫喜雷宴開閣望明河是夕月微暈涼風池上多
樓禽翻暗叢駭魚動圓波清景厭絲竹雅咏答高歌
尊酌願勿問良宵易蹉跎預憂別在旦車馬層城阿

贈馬冠軍

一騎東方來相逢新豐市自言讀父書出身良家子
名在欽飛籍蘭纓懸鹿盧曾爲魏其客不作平陽奴
欲行渡狼河直擒射鵬將壯志忽蹉跎秋風卧孤障
解裝出我筑歌作變徵聲墟頭落日在歌罷酒再行
相君本鳶肩豈是沉淪者我亦方薄遊低頭向人下
有志事竟成古人不欺余雷將一白羽待射魯連書

送劉明府

賤士寡諧世放居江海邊
朋儔漸乖睽憔悴不自妍
顧影鮮歡趣惡離倍當年
他人亦以悲况復如子賢
荒途風霜交歲晏增慨然
亂雀噪叢棘驚鴻逝長天
斗酒豈足陳薄意聊以宣
出處道既殊不得長周旋
誰謂非遐方浮雲阻山川
何以慰渴飢令名期可傳

暮歸

朝出雞始啼暮歸鳥欲棲
我身本無役胡爲亦東西
徒步二十年風埃面空驚
入門聞鄰杵秋氣凜以淒
芙蓉墜古沼絡緯鳴中閨
有無了不問歌吟夜燈低
富貴固有日我志焉能迷
笑向細君道勿爲翁子妻

大全集卷四

六

澹室爲吳君賦

素士脫紈綺澹然怡道心
窮廬車馬絕寒鳥下庭陰
酒外寡真趣琴中多古音
閉門三日卧風雪滿城深

空明道人詩

我聞赤城東仙嶠名委羽
煙霞閉深洞絕躡飛玉鼠
空明中有天日月照瓊宇
昔人鍊丹成自駕黃鶴舉
陳翁風慕道棲此求真侶
玄文夜長披靈藥朝每茹
石室人不來閒眠青蘿雨
於今定非死飛遊去何許
海上幾秋風誰傳令威語

九日無酒步至西汀開眺

高天無游氛秋氣自激肅
離居時節變霜降未授服
蕭條野田間晨步聊遠矚
悠悠寒川駛靡靡晴巒矗
菊叢有清香木葉無故綠
親朋去我遠登高且連蹠
孤懷誰知音惆悵臨水曲
名酒不可尋歸來掩茅屋
題倪雲林所畫義興山水圖

嘗啜陽羨茗不遊陽羨山
銅官結秀色都在畫圖間
樊川醉遊處水榭依沙樹
雲入縣城來谿流太湖去
我愛露林生高歌無俗情
石庭梅欲發須放酒船行

錢孝子廬墓

錢吳越忠孝王之後也

颯颯黃竹嶺蕭蕭白楊
邗行人亦悲哀何況父母恩

大全集卷四

七

不忍返華屋結廬傍孤墳
啼猿應哭聲日暮空山昏
無鄰與誰語獨宿傷精神
仰聞松柏吟倦見狐兔奔
淚灑墓前草當春死芳根
至性有如期不媿忠孝門
送蜀山人歸吳興兼簡菁山靜者

南浦無碧草征鴻晨稍飛
何當杪秋節臨水送將歸
既來不能淹君心應好違
惻惻袂始判遙遙帆已微
天高桂樹落在山中稀
還尋同袍者更製薜蘿衣
幼文約余與止仲同宿士明
鶴瓢山房爲試

茶之會余既入郭而幼文已歸
山中士明亦

往海上止仲復以事不赴
士明姪元脩畱余

夜話因賦是詩以書耿耿

道人出未歸高士來復去試茗失幽期寒齋成獨住
冰生洗藥池風動懸瓢樹賴有何臧賢玄談到天曙
晚憩靈鷲院池上

微雨過祇樹寺齋涼已多臨池一就盥搖動滿池荷
風後扇力輕煙中爐氣和慙非許元度吟卧每來過
贈談鬼谷數瞽師金松隱

我聞鬼谷子乃是古仙真避世青谿中不汗戰國塵
著書十三章當年授儀秦二子不善用竟皆殺其身
瞽師得異傳相去逾千春不爲從衡說談數妙入神

大金集卷四

八

述往年客南都蓬門集朱輪下簾論玄理驚動金陵人
歸來隱虞山繞廬樹松筠誰言目無觀內照靈光新
緬思大化根生此下土民起滅千萬途孰能究其因
或思騁結駟或賢被懸鶉命也可奈何天道誰疎親
世事昧守常毋使徒紛紛

贈惠山醫僧東山

九峰聚錫麓一水回梁谿之子修事業長年此幽棲
曲彈白雪妙詩吟碧雲低况有醫龍方丹成重刀圭
採藥夜歸院蘿月照澗西扁舟欲相訪愁作武陵迷
媿惟太史自海上入郭因得追遊以敘舊好

今日風雨偶闕語言樓居早寒懷人猶甚想
孤寓僧林同此岑寂也賦是以寄瞻戀之意
良人曠清晤窮年秉離憂倏來自海壖諧我心所求
不殊雲中鴈和鳴得其儔宴閣旣連席行塘復同舟
坐聆金玉篇鄙拙何以酬風雨戒茲旦居然阻從遊
祇園念孤寓微瘵苦未瘳落葉驚早寒誰當慰淹留
朋來不我館願已良有由徒茲睇停雲夕倚城南樓
在遠分難親居近彌使愁信彼詩中言一日如三秋
送徐七山人往蜀山書舍

結客抱狂志傾身通使交東將觀渤海西欲踰函嶺

大全集卷四

九

奔蹄脫驚轡墮翮連飛鑣酒具載車出兵法篝燈鈔
從軍顛奮立學儒恥譏嘲寧期憂事集頓使芳年拋
塵衣曉城陌雪帽寒江如客堂感蟋蟀婦室悲蠶蚨
自嘯失水鮒空慙得雲蛟獲君乃瑚璉顧我猶斗筲
高懷矯衰薄雅音變哇咬談詩辨六義讀易窮諸爻
情親豈殊意氣合真同胞因依像輪輻暢和諧墳匏
妓席夜畱宴僧扉晝攜敲循花縱步履映柳持鳴鞘
塘行月艷艷林卧風梢梢要渺送謳唱瀾翻雜詠明
七滑炊野飯盤香薦山肴遭時雖齟齬處俗不混肴
曩游旣相挈茲離竟誰教浮湖理去榜祖道移中庖

遐方未罷戍。近日猶被抄。鹿驚五奔併。虎鬪仍咆哮。
荒墟少砧杵。遠壘多笳鼓。問往何土里。答云此巖壑。
人安地有阻。歲稔田無墾。牛羊可放牧。鶩鴨供燻炮。
湍長磯磴激。石古窪樽坳。樵斤聽伐木。獵火看除茆。
雨紅爛秋實。露紫舒夏苞。谿晴鴈拍拍。邨曙雞膠膠。
書聲隱篁竹。櫂響穿蒲芰。聊將偶沮溺。誰敢儕夷巢。
末事誠瑣瑣。大言匪嚶嚶。世險路生窵。名浮浪吹泡。
擾鉏擬共把。干戚行俱包。社舖飲烹狗。臘祀歌迎猫。
慎勿厭寂寞。長當謝紛堯。

會宿城西客樓送王太史

大全集卷四

十

君來歡不足。君去憂何遽。共聽楓橋鐘。雷連恐將曙。
蛩鳴故苑草。鳥起高城樹。明日獨登樓。歸帆渺何處。

題林居圖兼簡盧公武

竹梧翳苔石。知是幽人居。林間鳥鳴後。亭空賓散餘。
聞有盧鴻愛。長年畱著書。

鳴山書舍圖爲黃君伯淵賦

伯鸞嚮春地。井臼有遺跡。之子學幽棲。託踪在林石。
清風竹林曉。片月蘿徑久。遙想一齋空。圖書滿牀積。

詠三良

殉葬古所禁。秦國固戎風。穆公臨棄朝。要此三臣從。

三臣百夫良不與親暱同一旦使俱斃無人國將空
捐生豈不難忠義感素衷長恐先朝露無由奉君終
遺命稟在耳焉能惜微躬但懼嗣主孤誰當共成功
高墳荆棘間玄雲閉幽宮壯魄同此歸冥冥路可通
國人痛莫贖灑淚呼彼穹傷哉黃鳥詩流哀竟無窮

詠荆軻

劫盟非義舉曹沫已可羞燕丹一何愚區區祖遺謀
千金養荆卿誓將報強讎奉圖使入關心知絕回軻
賓客盡白衣相送易水頭酒酣涕難落筑聲和悲謳
猛氣激蒼昊長虹為西流行造秦庭陛戟衛甚周
臨機失始圖利鋒竟虛投豪主一按劔社稷儻已丘
先王禮樂生破齊震諸侯苟能得此賢伯業猶可修
胡為任輕易自趣亡滅憂徒令後世人歎惋餘千秋

魏使君見示呂忠肅公舊贈詩因賦

公昔隱江夏巖棲避兵革遠挹戴叔鸞清風灑泉石
有時歌梁甫慷慨人未識左丞中朝彥仗節任方伯
北還駐嚴程造廬問籌策知非山澤儒期是廊廟客
磯石繫官舫猿叫月初夕秉燭題贈詩蒲圻掩孤驛
欣欣得賢喜耿耿憂國戚短章寄深情相投重珪璧
邇來復幾年淪落已陳迹公起佐興運身名正輝赫

待誦肅丹闈專城森畫戟緬懷舊知已永歎泉壤隔
難縣延陵延陵劍空聽山陽笛遺篇篋中藏每誦如再覲
真能重友道未易薄俗易一言不忍忘况乃膺寵錫
小大固可知令人義肝激

題秋林高士圖

二仲有玄賞相攜在中林遐景延迴步微言諧素襟
天秋谷響衰日暝川光陰風駛多委葉山空少歸禽
感遲臨長岡迢遞指遠岑諒非羈離客詎用愁登臨
春草軒雨中懷王太史

西軒罷琴坐涼思欺白苧颯颯樹聲繁秋風滿地雨
蓮衰少暗馥禽靜多幽語對此闕良儔當歡反傷緒

大全集卷四

十一

始遷西齋

乍縣南樓榻始布西齋筵西齋非吾廬幽淨亦可憐
風牖竹裊裊露庭菊鮮鮮圖史左右陳永日坐一氈
婉孌數童子哦誦當我前為爾竟寂寂低回欲窮年
讀書將何為乃與始志愆進無適時林退乏負郭田
我生非匏瓜謀食有道焉苟得隨羣趨顧此不稍賢
飲餘解衣卧母嘲腹便便

次徐山人與倪雲林贈答詩韻

昔遊紫藤塢空山鶴鳴秋相望隱人居興闕竟回舟

邇來獲晤賞玄談劇風流每欲開南軒招我共偃休
天寒鴻鴈鳴芰荷落長洲豈無一釣船訪子谿水頭
終慚文墨牽咫尺成阻修聽雨掩閣卧觀泉上巖遊
朝覽贈荅篇詞藻誇兩優我本丘壑人猿鶴肯見畱
擬結歲晏期壺觴展綢繆况聆西澗濱禪宮闕清幽
夜看太湖月遲我同登樓

因病不飲

我昔無所求但愁酒杯空引滿先四座醉豪壓春風
年來病稍侵積憂復相攻舉觴不能吞若有物梗胃
歲宴風雨多擁爐坐窗中酒徒散去盡歡呼與誰同

大全集卷四

三

三杯即頽然憔悴映燈紅後老當奈何即今已如翁
斯味禹所惡攝生笑無功從此便可止賦詩繼陶公

三鳥

三鳥生異林相逢偶同飛各矜好毛羽吟弄朝陽輝
驚風動地至羣飛各乖違一翔入雲天一落陷虞機
一止野田間蓬蒿鬱相依啄啄有餘粟歲晏諒不飢
猶懼雪霜侵啁啾獨鳴悲我行見此鳥相對發歎歔
當知皇天仁偏恤爾陋微視智宜省畏瞻高勿貪希
田間適本性舍此欲何歸

題陳生畫

前邨夕陽明後嶺秋嵐積葉落露山邨潮來沒江石
遙遙射鴈子慘慘聽猿客何事下征帆西陵渡頭驛

青丘道中

霖雨江暴溢奔流絕津涯茫茫野田白何由見春華
居人久已亡流萍滿其家昔我過此土極目桑與麻
故道不可尋舟行但蒹葭歲凶豈宜客四顧空長嗟
送李用和提舉

髯君孤直士與世頗異儔不交金張家而獨與我遊
我居在君里衡門閉深幽十年誦詩書進取拙自謀
名藩多英豪光彩溢道周朝逢將軍車暮避刺史驕

大全集卷四

皆云意氣盛官高富春秋良辰競爲樂廣席羅珍羞
君獨日暮歸貧乃與我侔雪畦寒蔬茁冰盎春蛆浮
高堂可燃燭談詠相賡酬中間阻清歡離別良有由
我尋江干宅君赴海上州老馬從瘦童人皆識賢侯
今年見歸旌一笑忘積憂那知遠方賈復此待撫柔
雞鳴城東門不得送去舟颶風常晝驚洪濤極天流
雖能征重貨可失吝嘉猷君子且在傍願言毋久留

贈銅臺李壯士

我祖昔都鄴神武爲世雄至今銅臺下子弟習其風
問君家何方紫陌遙相通雖云此相遇情與鄉里同

君有力振虎勇氣聞山東匹馬輕俠遊刀環綴纓紅
正當兵塵起思立方寸功不從董健兒欲縛蕭老公
凌厲越宋土逶迤出齊中時人不相顧棄之若秋蓬
我豈白面郎少年亦困窮起爲壯士歌迅商薄高穹
初飲五斗盡再飲一石空與君豈樂禍西方見妖紅
莫謂著鞭晚艱難殊未終

題春江送別圖送王使君

沈子遠云

歌徹小秦王愁深第幾觴飛花蕩春影江水不勝長
日暮東風急離帆且緩張

蘭室爲袁首郎賦

大全集卷四

十五

湘臯春水深澧浦秋風早如何庭戶間芳蕤獨妍好
不有君子心憔悴同芳草

我愁

我愁何從來秋至忽見之欲言竟難名泯然聊自
汲汲豈畏長棲棲詎嗟卑既非貧士歎寧是遷客悲
謂在念歸日故鄉未曾離謂當送別處親愛元無睚
初將比蔓草夕露不可萎又將比煙霧秋風未能披
藹然心目間來速去苦遲借問有此愁千今幾何時
昔宅西澗濱尚苦山水奇茲還東園中重斲草木衰
閒居誰我顧惟有愁相隨世人多自歡遊宴方未疲

而我獨懷此徘徊自何爲

賦得法華雨送惠上人歸江上

慈雲起靈山。虛空寶花雨。遙從天女手。零亂飄春曙。
香滋淨沼蓮。影拂祇園樹。高僧結習銷。衣上畱不住。
唯隨一葦風。飛渡江南去。

秋風

秋風屋外來。落葉紛我傍。不出門幾日。我樹如此黃。
但覺成懶性。焉知逝頽光。朝餐止一盂。夕卧惟一牀。
仲尼欲行道。轍迹環四方。而我何爲者。不與世相忘。

秋雨

大全集卷四

十六

秋雨亂我竹堂上。中夜驚昏昏。起復卧策策。止且鳴。
未分醉夢狀。寧辨竹雨聲。初欣似張樂。終懼如聞兵。
既覺兩皆非。古樂耿自明。悟彼事亦然。胡爲勞我生。

題曹氏春江雲舍

遙波靄微雲。禽寒少相語。君家在空闕。欲往迷洲渚。
紛紛樹離霧。稍稍花消雨。日暮坐相思。江東渺何許。
燕客次蔡參軍韻

林旦未昇旭。巖深稍祛霏。夙興達仙曙。在公遑告腓。
良儔信可懷。彌月曠容微。偶茲解華轡。沽酒酬芳卮。
鈴駟儼衛齋。妓樂出房帷。故吏命決漏。畱賓教闔扉。

談笑竹下塵。賭墅花間。慕歡馨。展宿好言長。蠲積思。
佳辰子所惜。高誼子攸希。時難賸。啖阻。能此嗟爲誰。
願各保太和。長年樂施施。飛佩儻可接。東方候安期。
退思齋爲蔡參軍賦

雞鳴起趨府事。至紛善感應。茲苟弗推。在理寧免忒。
歸來坐深念。恆恐有慚德。缺政何以裨。厚責何以塞。
豈徒省厥躬。庶用匡爾國。昔聞獨樂叟。中夜忘寢息。
願君守勿渝。明明此遺則。

遊師子林次倪雲林韻

吟策頻入院道人。知我閑尋幽。到深處鳥語竹班班。

大全集卷四

七

林下不逢客。城中俄見山。牀敷有餘地。鐘動莫催還。
尹明府所藏徐熙嘉蔬圖

少賤習園事。種蔬每盈疇。深根闕玄冬。老葉凌素秋。
採擷風露餘。山庖足嘉羞。故園經亂後。蔓草日已稠。
野水流畦間。蟲聲暮啞啾。披圖似見之。惻愴起我愁。
食肉豈無人。斯世誰與謀。君多恤民意。毋忽歲饑憂。

來鴻軒

高鴻本冥飛。不墮虞羅裏。朝度雲中關。夕遊瀟湘水。
驚風吹行斷。儔侶忽萬里。哀鳴將何依。荒澤難獨止。
集君華池。側梁稻豐自美。響度風脩脩。影沉波瀾瀾。

蘿徑

充庖知不忍，善惠念終始。願君儀天朝，修翰共養起。
幽谿入蘿萼，幾曲到巖扉。夏鳥啼處陰，陰花墜稀。
知當煙暝後，從此荷樵歸。

茶軒

摘芳試新泉，手滌林下器。一榻鬢絲傍，輕煙散遙吹。
不用醒吟硯，幽人自無睡。

讀書

世物寡所嗜，雅情竹素間。憑案理殘帙，樂此終日閑。
爰觀自周衰，盛治不可還。淫辨相誇傾，大道成榛菅。

大全集卷四

六

巧詐足眩世，苟得不顧患。嬴秦任商君，王制欲盡刪。
厚賦山澤空，亟戰原野殘。流風自斯降，談求困孤孱。
是非千萬途，欲辨亦已難。賴茲聖冊存，足啓昏與頑。
誰云古哲駕，邈矣難仰攀。於焉誦其言，如造揖讓班。
寄語向俗子，幸勿叩我關。何暇從爾談，方對孔與顏。
過立公房 出他

賦得桃塢送別

空院閑深竹，幽花有孤妍。春深鳥語寂，風磬時冷然。
非茲絕塵地，何以寄高禪。

何地芳菲滿，吳趨曲陌西。藏經非漢壘，種樹似秦谿。

未曙忽霞起過春猶雪迷葉聞渡江唱花憶映門題
折時或傍水遊處每成蹊偶來因送客腸斷有鶯啼
東園種蔬

我非適世材學圃乃所宜種蔬東園鋤灌敢告疲
夏來風露繁衆綠俱紛披朝餐我菘暮餐芼我葵
此味賤所嗜蔓草勿害之慨彼主父言鼎食何其危
聞張著作值雨宿陳山人園因寄

芳月抱深惻佳遊闕追攀聞君獨命駕遠造幽人關
春園花絮稀啼鳥池上閒畱連宿煙閣尊酌解離顏
遙想清夜徂鳴弦竹林間非因雨成滯興愜自忘還

大全集卷四

十九

鄭隱君秀野軒圖

江晚洲渚交雨晴草菲菲前山靄欲闌罟師渡水歸
望煙知君家花竹隱半扉已休田中未猶響林下機
此鄉即桃源亂後世有稀開圖若身到不知塵境非
與諸公飲綠茗園

金塘環勝野緹綺會芳時雀乳依桐葉魚翻冒芰絲
詩流洛下詠歌豔郢中詞一念交歡厚觴至詎能辭
送上海石明府

三月熟桑椹四月落棗花布穀樹下飛塘轉邨路斜
東塍擊耕鼓西林擲綠車但言此地樂不聞此地嗟

雖無夕烽驚尚苦秋賦加煩君始到田爲我問田家
逢雲巖僧元實將赴湖上賦以送之

早懷塵外想每訪林間蹤空齋哦夜雪共聽雲巖鐘
西澗已久別東城忽相逢還當布袈裟去坐湖上峰
喧寂旣殊調無因復追從倚閣一遙送秋山紅樹重
舟歸雨中

猿鳴楚雨急江岸孤舟次前山到非遠已見煙中寺
寒景暮蒼然歸人獨愁思

秋夜會飲送劉別駕得星字

征馬已歸卓哀鴻方過庭何期當別夜還得水寒廳

大全集卷四

二十

客醉誦明月僕興瞻落星光銷帷中燭響動車前鈴
留連豈有極之子不遑寧

送陳博士歸番禺葬親

北風海欲冰凜此窮陰時問君歸何亟親葬不可遲
遙遙望郭門慘慘投山陂僧房拜遺柩瓦燈照塵帷
還當卜玄宮遠託瘴水澹日夕旣封樹慟哭行繞之
雨來青楓林猿鳥吟相悲化者苟得安萬事無足爲
奈何割裾子尚忍生違離

渡吳松江

稍離城郭喧遠適滄洲趣乘潮動旅檣霧散寒江曙

蒼蒹靡靡出白鳥翻翻去不識隱人邨舟中望高樹
遭時歎有棘拯物慙無具不向此鄉居飄零復何處
無言上人丈室逢李道士

竹間失舊蹊落葉紛已積聞來繙經院戶掩諸蟲寂
本尋釋門子偶值仙家客景清林意秋慮淡池光夕
相對總忘言誰云累名跡

贈陶蓬先生

魯連豈趙客子房非漢臣出處愚莫測自是神仙人
中解龍虎鬪飄然去難親夫子古鬚眉恍惚乃後身
長安昔縱酒叩閣通平津豈爲慕珪組但欲陳經綸
白藜棄路傍舉世不見珍歸來棹扁舟煙波復誰馴
豈無一杯水爲君灑風塵空將釣國手老坐東海濱
逢余向滄洲笑落頭上巾謂余有僊契泥滓非久淪
花源罷通世煙霞閉于春便從夫子歸雞黍會四鄰
持謝漁舟子休談晉與秦

孤鶴篇

孤鶴篇

京風吹廣澤日暮多浮埃中有失侶鶴孤鳴迴且哀
修翮旣摧殘一飛四徘徊矯首望靈嶠雲露何遠哉
渚田有遺粟欲下羣鴻猜豈不懷苦飢懼彼羅網災
翩翩浮丘伯朝從東海來相呼與之歸謂是仙驥材

陰之長林下濯之清澗隈圓吮發高唳華月中宵開
誓從臨玄景永戲崑丘臺

雜詩

結髮好遠遊出門覽山川誰云帝闕遠有路不在天
我車大且遲日暮牛領穿忽逢悲歌士論心涕潸然
今日不得志明日非少年

白水冒我田

白水冒我田風雨無休時午鳩屋上鳴貧家起何遲
溝壑知不免順受胡可辭有酒我自斟有粟妻自炊
且盡今日歡勿顧明日悲商歌出金石愧無聖人師

大全集卷四

三

送韓司馬

淮陰將家子讀書負奇氣十年役一筮身從李都尉
此行把旌麾無愧國士知邊風吹白草正是馬驕時
鳴笳引前部落日城西路上客贈吳鉤征人唱都護
近役非臨洮君行莫辭勞欲問封侯日秋來太白高

醉贈王卿

持身無可許閭里任浮沉不奉諸侯檄曾辭公子金
斗酒豈辭醉感君知我深誰無旦暮急相周惟季心

送賈二文學

窮年自多感况復送良儔落日河上別慷慨發秦謳

風塵阻關山撫劍不得遊願逐高飛翼相與出九州
嗟彼行路子栖栖何所求

送海昌守李使君遷海虞

兩爲海上州州民定何如彼遮使君馬此迎使君車
但令人買牛不足客饋魚我知使君賢讀律又讀書

端居懷兩王孝廉

寡劣時所棄獨卧無與親蕭然閉齋閣左右圖史陳
風雨摧衆芳令人怨徂春豈無尊中酒坐念兩故人
日從賢豪游雜還車馬塵焉知離居客積抱難自伸

送芑上人東歸

大全集卷四

三

浮雲與飛鳥相聚安可常偶來雲巖寺幾日共徜徉
我去師亦歸澗房欲荒涼池卧孤塔影庭棲雙桂香
重過應未期悵然山水長

大水

吾鄉水爲國自昔稱漏天今年尤苦霖冒此上下田
老農愁相告無有二十年東江入門流比屋如敗船
夜卧牀屢移晨炊釜常懸涼風吹蒲稗羣鷺鳴我前
茫茫失川途出行竟回躔斯民欲昏墊天意豈不憐
陰陽致乖沴孰能究其然歲飢尚勿憂甬勉當食鮮

送黃主簿之歸安

我歌桺惲詩送子南汀發山城逢社雨綠樹啼鶯歇
雷連孤艇遲悒悵雙壺竭高士尚爲簿休慙府中謁
無事坐閒廳彈琴看明月

送王推官赴譙陽

久治亂所伏國家失其防初如決洪流拱手徧四方
頻年勞訐謨欲補千百瘡予爲京師客忌憤何慨慷
濯冠捧書函平明獻朝堂上言因大業下言振頽綱
且爲有萬死聖明察臣狂臣言儻獲施立能致時康
宸居豈遙遠咫尺天中央雞鳴列仙仗九門洞開張
謂宜即召見拜起隨班行上殿笏畫地論奏盡敷詳

大集卷四

十四

如何竟報聞不得瞻清光一官非所願欲令赴蠻荒
徘徊出都門風雨溼曉裝行行過吳洲木葉秋始黃
逢子解鞍飲激烈推酒牀平生憂時心辛苦不自忘
頗聞到官所此去路尚長紅日出霧遲孤城海茫茫
遺民似猿鹿山谷多驚藏繁英艷躑躅瑣實推檳榔
瘴癘况時作投老恐子傷何不且少畱共驚豪華鄉
子笑不我顧翩然決南翔明朝指鯨波高帆若雲揚
去矣各異國有意徒相望



